

Kia pai tō haere

Hangarau

Hei horopaki pea mō te kaupapa: Kei te katoa te kawenga kia noho haumarū* te whānau i runga i tētahi haerenga. Kia haumarū te haere.

*Haumarū -ā-wairua, ā-tinana, ā-hinengaro hoki.

Mahinga hangarau: Waihanga me te whakamahere pūrere haumarū mō ngā whānau kia haumarū ai rātau ina mahi, haere hoki rātau i roto i te pūnaha ikiiki: ngā kākahu pūaho.

Ngā putanga ako tauwhāiti – whāinga paetae achievement objective	Aromatawai: ngā putanga ako koronga/ngā whāinga akoranga
<p>Ka tāea e te ākonga te:</p> <p>Taumata 1</p> <p>Te Whakaharatau Hangarau</p> <p>Ka tūhura, ka tautohu i:</p> <ul style="list-style-type: none">• ngā hua hangarau whānui;• te take me te whakamahi i ngā momo hua <p>Taumata 2</p> <p>Te Whakaharatau Hangarau</p> <p>Ka rangahau, ka whakahiato i ōna hiahia hei mahere. Ka whakaarohia ēnei:</p> <ul style="list-style-type: none">• he hātepe;• ngā mātāpono;• ngā momo rawa. <p>Taumata 3</p> <p>Te Whakaharatau Hangarau</p> <p>Ka whakaraupapatia he mahere hoahoa whitake.</p> <p>Taumata 4</p> <p>Te Whakaharatau Hangarau</p> <p>Ka whakamahia he mahere, ka whakamātauria kia kitea:</p> <ul style="list-style-type: none">• te whanaketanga;• te tōtika o te mahi.	<p>Taumata 1</p> <p>Te tautohu i ngā tae e tika ana kia tino pūaho ai.</p> <p>Te waihanga i tētahi mea tino pūaho: wēkete, tātua, pōtae, tīpare.</p> <p>Te whakamārama mai he aha rātau i whakamahi ai i tētahi momo tae.</p> <p>Taumata 2</p> <p>Te tautohu ko tēhea ngā papanga pai kia pūaho ai.</p> <p>Te hoahoa me te waihanga i tētahi mea tino pūaho: wēkete, tātua, pōtae, tīpare, tohu.</p> <p>Te whakamārama mai he aha rātau i whakamahi ai i tētahi momo papanga.</p> <p>Taumata 3</p> <p>Te rangahau ko ēhea ngā papanga tino pūaho tōtika rawa i hangaia e te tangata.</p> <p>Te hoahoa, te whakamahere me te hanga i tētahi mea tino pūaho: wēkete, tohu, whakaata, taha o te waka.</p> <p>Te whakamārama mai he aha e pai ake ai tētahi momo papanga i tētahi atu.</p> <p>Taumata 4</p> <p>Te rangahau i ngā papanga tūturu tino pūaho.</p> <p>Te hoahoa, te whakamahere me te hanga i tētahi mea tino pūaho mai i ngā papanga tūturu.</p> <p>Te whakamārama mai he aha e tino pūaho ai ētahi momo papanga tūturu.</p>

Raupapa mahi: ngā koronga akoranga e taea ana me ngā wheako akoranga

Kei tō kura āna ake whakaritenga mō te whakawhanake koronga akoranga. Me whakataukī ngā koronga akoranga e hāngai pai ana ki ngā āheinga o ō ākonga.

LI: Tūhuratia ngā tae me ngā papanga e tika ana mō te pūaho

LE: Ka Āta Kitea

Whakamahia he Tūtohi Y hei matapae i te āhuratanga haumarū ā-kite, ā-pā, ā-rongo hoki ina haere pō (ngā takiwā kāore e tino mārama te kitea) hei kaihi kōi, kaieke paihikara. Huri kōarotia ka mahi i roto i tētahi āhuratanga haumarū kore.

Y chart

Tūhonoa ngā mōreareatanga e pā ana ki te haere i te pō (ngā takiwā kāore e mārama te kitea), whakaurua ngā āhuratanga: ōkiko, takiwā, whanonga. Tuhia ki tētahi whakaritenga whakairoiro.

Whakaotihia tētahi rangahau o ō hoa ākonga me te iwi whānui ki te rapu mōhiohio he aha e whakatenetene ai ngā tangata ki te mau kākahu pūaho i ngā takiwā kāore e mārama te kitea.

Kohia ngā mōhiohio hei āwhina ki te hoahoa kākahu pūaho 'huatau'.

Waihangahia he pānuitanga mōhiohio e whakaata ana i ngā painga o te whakamau kākahu me te utauta pūaho.

Ngā tae

Whakamaharatia ngā tae me ngā papanga e māmā ake ai te kite mai i tawhiti. Whakamātauhia tēnei mai i ētahi tawhiti rerekē. Matapakitia te tikanga o tēnei ina kōwhiri i ngā tae mō te mau kākahu me te utauta pūaho.

Hoahoatia tētahi tūtohi tae e whakarārangi ana i te kaha kitea o ngā tae.

Me ui he aha ngā tangata i kore ai e mau kākahu pūaho i mua? He aha te take me mau ēnei ināianei.

Ngā papanga

Rangahauhia kia tautuhia ngā papanga tino whakaata i hangaia e te tangata.

Tūhuratia ngā papanga whakaata tūturu ka meatia he pūaho. Rangahauhia ko ēhea o ēnei papanga ka taea te 'tukatukatia', te 'urutauhia' rānei kia whakaatahia, kia pūahotia rānei: arā, ka pania ki tētahi matū, ka kokoitia, ka whakapīratatia.

Tuhia ngā āhua o ēnei papanga tūturu me ērā i hangaia e te tangata.

Tūhuratia te utu me te ngāwari o te mahi i ēnei papanga hei waihanganga kākahu pūaho. Whakarārangihia mai ko ēhea ngā papanga e pai ana ki ngā āhuratanga katoa.

Whakaotihia he tūhura taiopenga pūtaiao hei hāpono ko ēhea ngā papanga tūturu, ērā rānei i hangaia e te tangata e tino whakaata ake ana i ētahi atu me te take e pēnei ana.

Whakaotihia tētahi tātaranga KNWW (e tautuhi ana i ngā kaha, ngoikoretanga, whai wāhitanga, me ngā whakātuma) o ana papanga. Whakamahia tēnei hei āwhina ki te tīpako i ngā papanga pai rawa hei whakamahi.

Mīharo

Tito waiata, pātere, ngari-kūnanu e kōrero ana mō te haumarū o te kitea ina haere ana.

Tuhia ka whakaputa kōrero mō tētahi ao anamata ina whakaataata ana ō tātau kiri ina hīkoi haere ai i te pō.

Whakaotihia ēnei mahi a Kī Kaiwhakaaro: Te Kī Waihanga – waihangahia he matū ka whakahohe me te ramarama i roto i te pōuritanga. Te Kī Whiringa – Whakarārangitia ngā tikanga tūturu kia kitea i te pōuri. Te Kī Tino Wawau – ka aha mēnā ko te pō anake te wā hāereere ai tātau?

Uinga ākonga

Tō tūmahi

Whakamahia te tukanga hoahoa hangarau ki te waihanga me te māketē i ētahi papanga kākahu tūturu pūaho mō ngā ākonga o tō rātau kura. Whakaurua te awhe tae, te utu me te tohu kura ki roto i ā rātau kupu tohutohu.

Ngā rauemi

Tā

[He Tauaromahi Hangarau](#): Ngā Tauaromahi

Pātaka Tūmahi Hangarau

He Pukapuka Āwhina mā te Pouako

Hei Āwhina i te Pouako

Te Rārangitanga Tūhono Tahi

Iahiko

[He Rauemi Hangarau \(Kōpae Ataata\)](#)

[Hangarau \(TKI\)](#)

Aromatawai mō te ako: kaiako/aropā/whaiaro

Mā ngā kaiako e āta miramira ngā wheako akoranga i runga ake ka whakamahia hei aromatawai mō ngā akoranga puta noa i te kōwae ako. Ka taea ēnei te tuhi i roto i ngā kōpaki/pūnaha whakahaerenga kura.

He tauira tukutuku aromatawai whaiaro

Mā ngā kaiako e whakawaehere ki te tīwae tuatahi ngā tohu ka whakamahia e rātau i roto i te kura hei aromatawai.

Tērā pea ki ngā taumata, ngā aratohu MOE, ngā whakaritenga ā-roto rānei. Ka taea te tuhi i te tukutuku ki ngā whāinga paetae, te tuhi anō hei whakaritenga angitu mō ngā tamariki e ai ki te hiahia o te kura.

Miramiratia ngā kīanga tōtika i ia upane. He tauira tēnei o tētahi ahu kotahi anake.

Hei tauira: Te tīpako tae/papanga mō ngā kākahu pūaho.

Tangohanga Roa Ake	Whakamahia ai e au ngā rautaki maha hei tīpako i ngā tae e tika ana mō te pūaho, ā, e mōhio ana au mō te wā me te take o te whakamahi. KA MUTU Ka taea e au te ako i ētahi atu ki te tīpako tae e tōtika ana mō te pūaho. Kei te rapu urupare au me pēhea te whakapai ake i te āhua o taku tīpako tae e tōtika ana mō te pūaho.
Pānga	Whakamahia ai e au ngā rautaki maha hei tīpako i ngā tae e tika ana mō te pūaho, ā, e mōhio ana au mō te wā me te take o te whakamahi.
Hangangamaha	Whakamahia e au ngā rautaki maha hei tīpako i ngā tae e tika ana mō te pūaho engari kāore au i te tino mārama mō te wā, te take rānei o te whakamahi.
Hangangatahi	Ka taea e au te tīpako tae e tika ana mō te pūaho mēnā tohuākina au, ka tohutohutia rānei.
Hangangatōmua	Me whai āwhina au ki te tīpako tae e tōtika ana mō te pūaho.